

PEDRO TÏ ÇARTA HAN VÉN

1 ¹Pedro tÏ ājag mÏ carta rán hã vĕ, Jesus Cristo tÏ inh fĕg hã vĕ, sÏ tÏ ti apóstolo jĕ jĕ. SÏ Topĕ tÏ ũn kuprĕg mÏ ag mÏ rán hã vĕ. Ĕg mrĕ ke tÏ ag kãmĭ ājag tóg mÏgtĭ, ũ tÏ Jesus ki ge tÏ ag kãmĭ, Ponto tá, Galácia tá, Capadócia tá, Ásia tá, Bitínia tá ke gé. ²Topĕ vÏ ājag kuprĕg. VãsÏ tóg to jykrĕn ja nĭ, ājag kuprĕg ke to, ĕg jóg tÏ Topĕ ti. Ājag mÏ tóg ā kuprĭg jĕnĕ, hã kÏ ājag tóg tÏ ti tÏ nÏtĭ, ājag tÏ Jesus Cristo vĭ kri fi jĕ, ti tÏ ā kyvénh tÏ ājag kygpe jĕ, ājag tÏ ti ri ke há nÏtĭ jĕ. Topĕ jĕ ājag tar han mãn!, han mãn! hé, kÏ ājag jĕ krĭ kãnhvy nÏtĭ.

Topĕ tÏ ĕg mÏ nĕn ũ há ven ke

³Topĕ mÏ sóg vĭ há han tĭ, ĕg Senhor tÏ Jesus Cristo panh mÏ. Ĕg jagãgtãn tãvĭ han tóg tĭ. Jesus Cristo rĭn mãn tóg, ti ter kar kÏ, kÏ tóg Jesus tugrĭn ĕg mur mãn ri ke han tĭ gé. KÏ tóg ĕg mÏ sér tĭ, ⁴ĕg tÏ kanhkã mĭ ĕkrĕn kÏ. Tá ĕg tóg nĕn ũ sĭnvĭ kar venh ke mÏ. Tá ĕg tÏ vÏ tÏ! henh ke tÏ pĕ nĭ. Kómóg ke tÏ tóg nĭ, tá ĕg tÏ ti, tá ũ tóg ti kókĕn ke tÏ nĭ gé. ⁵Topĕ ki ājag tóg ge kÏ nÏtĭ, kÏ tóg ājag ki rĭr há han nĭ nĭ. Nĕn ũ kar han há tóg nĭ, kÏ tóg ĕg ki rĭr há han tĭ gé, Topĕ ti. Ājag krenkren han jĕ tóg ke mÏ, ājag tÏ ti tÏ ĕg mÏ nĕn nĭm ke mÏ ĕn ve jĕ. Nĭm han kÏ tóg nĭ nĭ, ti tÏ ĕg mÏ nĕn ven ke ĕn ti. Kurã tÏ ĕgno ki ĕg tóg ĕn venh ke mÏ.

⁶⁻⁷Ver tóg ājag mÏ jagy tĭ. Ge ra mÏ sér nÏtĭmnĭ. Kãnhmar tóg tÏ! henh ke mÏ, nĕn tÏ ĕg mÏ jagy nĭ tag ti. Topĕ tÏ ĕg jykre ve sór vĕ, hã kÏ ĕg tóg ver nĕn ũ jagy ve vén tĭ. Ĕg tÏ ti jagy to tar nÏtĭn kÏ tóg vég mÏ, ĕg tÏ ti ki rã há han kÏ nÏtĭ ti. Ha vé, ouro rÏg ĕg tóg tĭ, pĭ rÏ jagy ki, ĕg tÏ ti há nĭ ĕn ve jĕ. Ge ti nĭ, ĕg mrĕ. TÏ! he jĕ tóg ke mÏ, ouro ti. Ouro kãfór ti nĭ, ĕg tÏ ti ki rã ti. Ĕg tÏ nĕn ũ jagy ve to tar nÏtĭn kÏ tóg ve há tĭ, ĕg tÏ ti ki rã há han kÏ nÏtĭ ti. KÏ tóg ĕg to vĭ há han ke mÏ, Cristo ti. Ĕg tÏ tóg ũn mág han ke mÏ, ũn tar, Jesus tÏ vĕnh kar mÏ vĕnh ven ke kurã ĕn kã. ⁸⁻⁹Ti to há ājag nÏtĭ, ājag tÏ ti ve ja tÏ (hã) ra. Ti ki ge kÏ ājag nÏtĭ, ājag tÏ ti vég tÏ ra. Hã kÏ ājag tóg krenkren ke mÏ. Ājag krenkren ke ĕn hã tóg ājag mÏ sér pĕ tĭnh mÏ, sér gy ti tĭnh mÏ, ha vemnĭ. Ājag fe tóg mrin ke tãvĭ han ke mÏ, kurã ĕn kã, ha vemnĭ.

¹⁰⁻¹¹Topĕ vĭ tó tĭ ag tóg vãsÏ tó ja nĭgtĭ, Topĕ tÏ ũri ĕg krenkren han mÏ tag ti. Topĕ kuprĭg vÏ ag kanhrãn ja nĭ. Ag mÏ tóg Cristo tÏ ĕg jagfy jagtar jagy

han ke kāmén ja nĩ. Kĩ tóg ag mĩ ti tĩ kar kũ tĩ ũn mág jẽnh ke tó ja nĩ gé, ti tĩ ěg jagfy vės̄yrénh kar kũ tĩ ũn mág nĩnh ke ti. Kĩ ag tóg tag ve sór ja nĩgtĩ, vās̄y Topē vĩ tó ti ag. “Kurā tĩ hẽ kã kenh ke nẽ hĩn?” he ja ag tóg nĩgtĩ, Cristo jagtar ke to. “Ti tĩ hẽ ri kenh ke nẽ?” he ja ag tóg nĩgtĩ gé. Tag ve sór tãvi ja ag tóg nĩtĩgtĩ. ¹²Hã ra Topē tóg ag mĩ: “inh pi(jé) ājag hã mĩ tag ven ke mũ,” he ja nĩ. “Ājag nón ke ag hã mĩ ke vē, ag hã ne ājag tĩ nén tó mũ venh ke mũ,” he ja tóg nĩ, Topē ti, vās̄y ti vĩ tó ti ag mĩ. Ti tĩ ag mĩ ājag tó jan hã vē. Hã kũ ājag tóg hur mē, ti mré ke ũ ag tĩ ājag mĩ Jesus kãme sér kãmén kũ. Topē kuprĩg vỹ ag tar han ja nĩ, Topē tĩ ag mĩ ā kuprĩg jẽnén kũ, kanhkã tá, hã kũ ag tóg ājag mĩ ti kãmén kãmũ ja nĩ. Ha vé, Topē tĩ jẽnē jafã ag tĩ ki kanhrãn há tóg tĩ, ājag tĩ ti kãme mēg mũ tag ti, hã ra ag tóg ki kagtĩg nĩtĩ.

Ēg tĩ Topē vĩ ki króm kãn ke

¹³Hã kũ Topē tĩ ěg mĩ nén tó mũ hã han sórmnĩ. Věnh ki ěmēmĩ, Jesus tĩ ěg mĩ nén nĩm ke mũ ěn hã mĩ ěkrén nĩ. Jesus tĩ vėnh ven ke kurā ěn kã ěg tóg venh ke mũ sir, ti tĩ ěg mĩ nén nĩm ke mũ ěn ti. ¹⁴Vās̄y ājag tóg ājag tĩ nén to ěn mũ ěn han ja nĩgtĩ, ājag tĩ Topē vĩ mē ja tũ nĩtĩn kũ. Ūri Topē vĩ hã ki króm nĩ, ājag tĩ vās̄y nén han ja ěn tovãnh kãn nĩ. ¹⁵Topē jykre hã han nĩ, kũ tóg vėnh ven mũ, ājag tĩ tĩ ti tũ nĩtĩn ti. Ājag tĩ ti jykre hã han jé Topē tóg ājag kuprēg. Há tãvi ti nĩ, Topē ti, kũ ti jykre ri ke han nĩ. ¹⁶Tag tó ja ti nĩ, ha mē: “ũn há pē vỹ tĩ inh nĩ, kũ inh ri ke nĩtĩ sórmnĩ, vėnh jykre há hã han kũ nĩtĩmĩ,” he ja tóg nĩ, Topē ti.

¹⁷Ēg tĩ Topē mré vēmén kũ ěg tóg ti mĩ: “ěg jóg,” he tĩ. Hã kũ ěg tóg ti kamēg ke mũ, ti tĩ tĩ ěg jóg nĩn kũ. Ha vé, ěg kar tĩ nén han mũ vég ti nĩgtĩ, kũ tóg vėnh kar jykre ki kanhró kar nĩ, Topē ti, kũ tóg vėnh kar jykre tónh ke mũ. Ver ěg tóg ũ tĩ ti ki kagtĩg ag kãmĩ mũgtĩ. Ēg tĩ ag kãmĩ mũn kũ ěg tóg Topē vĩ ki króm há han ke mũ. ¹⁸Kaja e to tóg ěg kygjãm ja nĩ, ki kanhró ājag tóg nĩtĩ. Ājag jo ke ag vỹ ājag jo vėnh jykre kórég han ja nĩgtĩ, ājag tĩ ag nón han jé. Hã ra tóg kaja e to ājag kygvãn ja nĩgtĩ, ājag tĩ vėnh jykre kórég ěn han mãn tũ nĩ jé. Kaja e to tóg ěg kygjãm. Ouro to ke pijé! Prata to ke pijé!, ti kaja ěn ti. Tũ! he jé tóg ke mũ, ouro mré prata ti. ¹⁹Hã ra tóg ā kyvėnh hã to ěg kygjãm, kũ tóg tũ! he jãvãnh nĩ, ti kyvėnh ti. Nén ũ kaja kãfór kar ti nĩ, ti kyvėnh ti. Ūn há tãvi vỹ tĩ ti nĩ, ũ tĩ ā kyvėnh tĩ ěg kygjãm mũ ěn ti, hã vỹ: Cristo, he mũ. Kygnē ja tũ pe ti nĩ. Kũ tóg ovelha hã tãvi ri ke nĩ, ti tĩ ěg jagfy ter kũ. ²⁰Topē vỹ ti kuprēg, ti tĩ ěg jagfy ter jé. Ā tĩ nén ũ kar han tũ ki tóg ti kuprēg, vās̄y. Hã ra tóg ũri ga kri mur ja nĩ, ājag tĩ ti vĩ mē jé, kurā tĩ ěgno to hã. ²¹Ti tugrĩn ājag tóg Topē ki ge kũ nĩtĩ. Tĩ rĩn mãn ja tóg nĩ, Topē ti, kũ tóg ti tĩ ũn mág han ja nĩ gé, kanhkã tá. Kũ Topē ki rã há han nĩ. Ājag krenkren han jé tóg ke mũ, ha vemnĩ.

²²Topē vĩ pē ki króm ājag tóg tĩ, hã kũ ājag tóg jãnhkrig kũ nĩtĩ ha, ũri. Ājag mré ke kar ag to ājag tóg há tãvi nĩtĩ gé. Kũ jagnē to há nĩtĩ to tar nĩtĩmĩ gé. Ūn kũ jagnē to há nĩtĩ tũg nĩ. ²³Topē vỹ ājag han mãn, kũ tóg ěg mur mãn ri ke nĩ. Ā vĩ tĩ tóg ěg han mãn ja nĩ. Rĩr ti nĩ, ũn vĩ mũ ti, hã vỹ: Topē, he mũ. Tũ! henh ke tũ ti nĩ. Ti tĩ ěg han mãn kũ tóg tĩ ěg panh pir nĩ, ũn ter ke tũ ěn ti. Ēg panh ter

mũ ên ri ke tũ ti nĩ. ²⁴Hã kÿ tag tóg rán kÿ nĩ, ha mẽ: “êprã ke ag vÿ re ri ke nÿtĩ, re fej sÿnvi ên ri ke. Hã ra tóg kãnhmar tóg tĩ, re ti, kÿ ti fej tóg kãgter kãn tĩ. Kÿ êprã ke ag tóg kãnhmar kãgter tĩ gé, re fej ri ke. ²⁵Jãvo Topê vÿ vÿ tũ! henh ke tũ pẽ nĩ,” he tóg, Topê vÿ tÿ rán kÿ nĩ ki. Tag mẽ ãjag. Topê vÿ sér to ken hã vë.

Jesus tÿ pó há ri ke nĩ

2 ¹Hã kÿ ãjag jykre kórég tovãnh kãn nĩ. Ón mãn tũg nĩ. Û lograr he mãn tũg nĩ. Û tũ to én mãn tũg nĩ. Û to vÿ kónãn mãn tũg nĩ gé. ²Nênê vÿ leite kron (ka)mẽ nĩgtĩ. Topê vÿ vÿ êg mÿ gÿr sÿ pafa mũ ên ri ke nĩ. Kãnhmar vënh vÿ há ên mẽ mãn!, mẽ mãn! hemnĩ. Kÿ ãjag tóg mog há han ke mũ, ãjag krenkren jé. ³Hã kÿ tag tóg ti to rán kÿ nĩ, ha mẽ: “ki kanhrãn sÿ han ãjag tóg huri, êg Senhor tÿ tÿ ãn há tãvĩ nĩn ki,” he ja tóg nĩ, Topê vÿ rá ki.

⁴Êg Senhor to kãmũ jëg. Pó ri ke ti nĩ, ãn han mũ ag tÿ pó fón mũ ên ri ke ti nĩ. Hã ra tóg rÿr jë, êg Senhor ti. Ag tÿ ti fón mũ ra tóg Topê mÿ há tãvĩ nĩ, pó kar ag há kãfór. ⁵Kÿ êg tóg pó ri ke nÿtĩ gé. Kÿ Topê kuprÿg vÿ êg tÿ Topê jo ãn ri ke han ke mũ, pó tÿ ãn ên ri ke. Kÿ ti tÿ ãjag mÿ nén han sór mũ ên to ti mÿ vënh nenh tũg nĩ, ti mÿ: “hej,” hemnĩ. Jesus Cristo vÿ ãjag tar han sór mũ, ãjag tÿ ti tũ ki rÿr há han jé. Vãsÿ Topê tũ ki rÿr tĩ ag tÿ ti mÿ nén ù kar pũn ja ên ri ke tóg nĩ sir, êg tÿ Jesus tũ han kÿ. ãjag tÿ ti tũ ki rÿr há han kÿ tóg ti mÿ há tũnh mũ. ⁶Hã kÿ tag tóg rán kÿ nĩ, ha mẽ. “Pó há kuprëg inh, kÿ sóg tÿ ãn nũna ri ke han, Sião tá. Û tÿ ti ki rã kÿ tóg venh ke mũ, Topê tÿ nén tó mũ ên ti,” he tóg, Topê vÿ rá ki.

⁷ãjag hã to tóg rán kÿ nĩ, ti vÿ tag, ãjag tÿ ti ki ge kÿ nÿtĩn kÿ. Û tÿ ti kato vãsãnsãn mũ ag to tag tóg rán kÿ nĩ gé, ha mẽ. Ag to tóg: “pó tÿ ãn han jafã fón ag tóg, pó tÿ ãn han tĩ ag,” he mũ. “Ag mÿ tóg kórég ja nĩ, pó ên ti. Hã ra Topê tóg pó ên hã tÿ ãn nũna han mũ,” he tóg, Topê vÿ rá ki. ⁸Kÿ tag tóg rán kÿ nĩ gé, ha mẽ. “Pó ên tÿ ag tóg krĩm ke tĩ. Pãró vë sir, pó ên ti, kÿ ag tóg pãró tÿ krĩm krĩm ke kÿ vár mũ sir,” he tóg mũ gé, Topê vÿ rá ki. Û tÿ Topê vÿ kri fi sór tũ ag hã vÿ tÿ krĩmkrĩm ke tĩ. Topê tÿ nén han hã vë gé.

⁹ãjag hã kuprëg tóg, Topê ti, ãjag tÿ tÿ pãl! mág nÿtĩ jé, ti tũ ki rÿr tĩ to, ãjag tÿ tÿ ti povo nÿtĩ jé, vyr mÿ. ãjag kuprëg tóg, Topê ti, ãjag tÿ ti tÿ nén han mũ kãmén jé, ti jykre tar ti, ãjag tÿ tÿ ti tũ nÿtĩn kÿ. Vãsÿ ãjag tóg kuty mĩ mũ ja nĩgtĩ, hã ra tóg ãjag tatĩ kãtig, ãjag tÿ ùri kurã mĩ mũ jé, ti tÿ ãjag mÿ jëngre nĩm kÿ. ¹⁰ãjag pi(jé) vãsÿ tÿ ù tũ ja nÿtĩgtĩ! ùri ãjag tóg tÿ Topê povo nÿtĩ, ti tũ. ãjag pi(jé) vãsÿ Topê tÿ ãjag jagãgtãn sór mũ tag mẽ ja nĩgtĩ! ùri tóg hã ra ãjag jagãgtãn, Topê ti.

Jesus tÿ vënh jykre pãno to êg kygvãn

¹¹Inh kanhkã!, tag ki êg tóg êg mré ke tũ ag jamã mĩ mũgtĩ. Êg jamã pijé!, ga tag ti! Hã kÿ sóg ãjag jyvën mũ. ãjag tÿ nén ù to én mũ ên han sór tũg nĩ. ãjag kókén jé tóg ke mũ, kÿ ãjag tóg êg Senhor tovãnh sór ke mũ, ha vemnĩ. ¹²Jesus ki ge kÿ nÿtĩ tũ ag kãmĩ ãjag tóg nÿtĩ, hã kÿ vënh jykre há tãvĩ han nĩ. ãjag to ón sór ag tóg tĩ, ãjag to ag tóg: “jykre pãno ag nÿtĩ,” he sór tĩ. Kÿ vënh

kar t̃y ăjag jykre há ve k̃y ag ón ẽn tóg ve há t̃inh m̃ũ. ăjag jykre há ve k̃y ag tóg: “Topê jykre ṽy há ñi,” henh ke m̃ũ, h̃enh ri ke m̃ũn, Topê t̃y ag kut̃an k̃y.

¹³Ēg Senhor to há ăjag tóg ñỹt̃i. Ti to há ñỹt̃in k̃y ẽpr̃a ăjag p̃a'i ag ṽi ki króm ñi gé. P̃a'i mág p̃e t̃y imperador ẽn ṽi ki króm ñi, ṽenh kar ag m̃y t̃y ũn mág ẽn ṽi ti. ¹⁴Ti krêm p̃a'i ag ṽi ki króm ñi gé, governador ag. P̃a'i mág p̃e ẽn t̃y vin m̃ũ ag ṽe, governador ag, ag t̃y ũn jykre p̃ano ag vóg kónan jé, ag t̃y ũn jykre há ag to ṽi há han jé gé. ¹⁵Ū t̃y ki kagtig ag ṽy ăjag to ṽi kónan t̃i. K̃y ñen ũ há t̃avi h̃a han ñi, k̃y ag t̃y ăjag kato ne tónh ke ṽy t̃ũ t̃inh m̃ũ, ha vemñi. Tag ṽy há ñi, Topê m̃y. ¹⁶Cristo ṽy ẽg kygṽa, ṽenh jykre p̃ano to. K̃y ṽenh jykre p̃ano han m̃an sór t̃ũg ñi. To: “inh kava ti huri, Cristo ti, h̃a k̃y sóg jatun m̃y han ke m̃ũ, is̃y ñen to ẽn m̃ũ kar ti,” he t̃ũg ñi. Topê t̃ũ ṽy t̃y ẽg ñỹt̃i, k̃y t̃i jykre h̃a han ñi. H̃a jé tóg ẽg kygṽa, ẽg t̃y t̃y ti t̃ũ ñỹt̃i jé. ¹⁷Ēpr̃a ke ũ to é he t̃ũg ñi. Ēg mré Jesus ki ge k̃y ñỹt̃i ag kar to há ñỹt̃imñi. Topê kam̃eg ñi. Ēpr̃a ke t̃y p̃a'i mág t̃y imperador ẽn kam̃eg ñi gé.

Ēg t̃y Cristo ri kén jagtar ñỹt̃inh ke

¹⁸ăjag k̃am̃i ũ ag tóg patr̃ao m̃y r̃anhr̃aj t̃i, fagr̃inh m̃y. ăjag patr̃ao ṽi ki króm ñi, ag kam̃eg ñi. ăjag k̃am̃i ũ patr̃ao ṽy há ñi, kom̃er h̃a tóg ṽi t̃i, ăjag to jykr̃en há han tóg t̃i. ăjag t̃y ti to há ñỹt̃in k̃y tóg há t̃i. ăjag k̃am̃i ũ patr̃ao tóg kórég ñi. Ēn to ṽi há han ñi gé, ti kam̃eg ñi gé. ¹⁹Kej̃en tóg fagr̃inh m̃y ăjag to j̃unh ke m̃ũ, ăjag patr̃ao kórég ti. ăjag t̃y Topê jykre han sór m̃ũ to tóg ăjag to j̃unh ke m̃ũ. Ge ra ti to j̃ũ t̃ũg ñi, k̃y Topê tóg ăjag m̃y ṽi há han ke m̃ũ. ²⁰Kej̃en ăjag patr̃ao tóg ăjag t̃y kygñe to ăjag mr̃anmr̃an t̃i. Tag ṽy t̃y ñen ũ t̃ũ ñi. Ti t̃y ăjag jykre há to ăjag mr̃anmr̃an k̃y Topê tóg ăjag m̃y ṽi há han ke m̃ũ. ²¹H̃a jé Topê tóg ăjag kupr̃eg.

Cristo ṽy ẽg jagfy ṽes̃yr̃enh gé, m̃yr, ha m̃e. Ti ṽes̃yr̃enh tugr̃in ẽg tóg ti kóm tar ñỹt̃inh m̃ũ, ẽg t̃y kej̃en ti kóm jagtar ñỹt̃inh ken k̃y. ²²Ñen ũ kórég han ja t̃ũ ti ñi. Ū pi(jé) ti ón venh m̃ũ!, ti ón ṽanh ñin k̃y. ²³Ag t̃y ti m̃y ṽi kónan m̃ũ ra tóg ag m̃y ṽi kónan ja t̃ũ ñi. Ag t̃y ti ṽes̃yr̃enh han m̃ũ ra tóg ag m̃y ṽi ja t̃ũ ñi gé. Topê h̃a m̃i tóg ẽkr̃en ja ñigt̃i. “Ti h̃a ne ag jykre tugñym ke m̃ũ!, inh jykre ti ke gé,” he ja ti ñi. “Ti h̃a ne ag vóg kónan ke m̃ũ!” he ja ti ñi, Cristo ti. ²⁴Ha vé, Cristo ṽy ẽg t̃y Topê ṽi mranh ja ẽn kaj̃am ja ñigt̃i, cruz to tóg ter ja ñigt̃i. H̃a tugr̃in ẽg jykre si tóg t̃ũ t̃i ha, ti t̃y ẽg jykre si t̃y t̃ũ! hen k̃y. Ṽenh jykre há h̃a han jé ẽg tóg ṽenh f̃eg k̃y ñỹt̃i. Ti ṽes̃yr̃enh tugr̃in ẽg tóg t̃y ũn há ñỹt̃i. ²⁵Ṽas̃y ẽg tóg ṽenh m̃eg t̃y carneiro ṽagfor ri ke ñỹt̃i ja ñigt̃i. H̃a ra tóg hur ẽg tat̃in, ẽg ṽagfor ja ra, Jesus ti. K̃y ẽg tóg ti mré m̃ũ m̃ũ sir, carneiro fag t̃y pastor mré m̃ũ ri ke. Ti h̃a ne ẽg ki r̃ir ñi ha!

Fag t̃y ag mré ṽenh jykre há han ke

3 ¹S̃y ũn t̃ỹt̃a fag jyṽen h̃a ṽe, ha m̃e. ăjag mén ṽi han ñi. ăjag k̃am̃i ũ fag mén ag ṽy ver Topê ki r̃a sór ja t̃ũ ñi. Ge ra ti mré ti ṽi ki króm ñi, ti t̃y t̃y ă mén ñin k̃y. Ti t̃y ă jykre há ve k̃y tóg h̃en ri ke m̃ũn ti ki r̃a sór ke m̃ũ, ă t̃y ti m̃y ñen ũ to t̃ũ ra. ²Topê kam̃eg k̃y ti jykre h̃a han ñi, ăjag j̃anhkri ñỹt̃i jé. K̃y ăjag mén ag ṽy ăjag jykre há venh ke m̃ũ. ³Ṽes̃iñṽi han sór t̃ũg ñi, ăjag g̃anh t̃y, pó siñṽi kaja e t̃y ke gé, kur kaja e t̃y ke gé. Ēg t̃y ṽes̃iñṽi han sór ke t̃ũ ṽe. ⁴ăjag jykre

hã sĭnvĭ han nĭ, hã vŷ: komĕr hã vĭ, he mŭ, vĭ mág tŭ, he mŭ. Vĕnh jykre sĭnvĭ tag vŷ há nĭ, Topĕ mŷ, kŷ tóg tŭ! henh ke tŭ nĭ gé. ⁵Gen kŷ fag tóg nŷtĭ ja nĭgtĭ gé, ěg mŷnh/mŷnh ve fag, Topĕ tŭ fag, ũ tŷ Topĕ ve sór ja fag. Fag mén jykre hã mĭ fag tóg mŭ ja nĭgtĭ, ⁶Sara fi ke gé. Abraão jykre mĭ fi tóg tĭ ja nĭgtĭ, hã kŷ fi tóg ti to: “inh pãli vĕ,” he ja nĭgtĭ. Kŷ vĕnh jykre há hã han nĭ. Ũ tŷ ājag tŷ vĕnh jykre há han kamĕg mŭ ra ge ra han nĭ. Kŷ ājag tóg tŷ Sara fi krĕ!krĕ fag ri ke nŷtĭ.

⁷Kŷ sóg ag jyvĕn sór mŭ gé. Ājag prŭ fag ki rĭr há han nĭ, ha mĕ. Fag pi(jé) ājag tar ri ke nŷtĭ!. Hã ra Topĕ tóg fag mŷ rĭr krŷg ja tŭ ěn nĭm ke mŭ gé, ti tŷ ājag mŷ rĭr krŷg ja tŭ nĭm ěn ri ke. Ājag tŷ ājag prŭ fag ki rĭr há han kŷ ājag tóg jatun mŷ Topĕ mrĕ vĕmén ke mŭ.

Ēg tŷ kejĕn Cristo jykre to jagtar ke

⁸Vãhã sóg ājag mŷ tag tó sór mŭ, ha mĕ. Jagnĕ mrĕ vĕnh jykre pir han nĭ. Ũ fŷ kŷ ti mrĕ fŷmnĭ, ũ mŷ sér tĭn kŷ ti mrĕ mŷ sér nŷtĭmnĭ. Jagnĕ to há tãvĭ nŷtĭmnĭ. Jagnĕ mrĕ komĕr hã vĭmnĭ. Jagnĕ kãfór han sór tŭg nĭ. ⁹Ũ tŷ ājag mŷ nĕn ũ kórĕg han mŭ ra ti mŷ nĕn ũ kórĕg han tŭg nĭ. Ũ tŷ ājag mŷ vĭ kónãn mŭ ra ti mŷ vĭ kónãn tŭg nĭ gé. Vĕnh kajãm sór tŭg nĭ. Hŷ, vĕnh kar to Topĕ mŷ: “ag ve há han nĭ,” hemnĭ. Topĕ vŷ ājag ve há han sór mŭ, hã jé tóg ājag kuprĕg. ¹⁰Hã kŷ tag tóg rán kŷ nĭ, ha mĕ: “ājag mŷ jatun mŷ nŷtĭ sór mŭ!, nĕn ũ kar tŷ ājag mŷ sér tĭ jé!?” Kŷ vĭ kónãn mãn tŭg nĭ. Ón mãn tŭg nĭ gé. ¹¹Vĕnh jykre pãno han mãn tŭg nĭ, vĕnh jykre há hã han nĭ, vĕnh kar krĭ tŷ kãnhvŷ! he sórnmĭ gé, tag hã to vãsãn nĭ, ti tŷ ājag mŷ sér tĭ jé. ¹²Ēg Senhor vŷ ũ tŷ vĕnh jykre kuryj han mŭ ag ki rĭr há han mŭ. Ag tŷ ti mŷ nĕn ũ to vĭn kŷ tóg ag vĭ mĕg mŭ, Topĕ ti. Hã ra tóg ũ tŷ vĕnh jykre pãno han mŭ kato tĕ tĭ, Topĕ ti,” he tóg, Topĕ vĭ rá ki.

¹³Ũ vŷ ājag mŷ nĕn ũ kórĕg han ke tŭ nĭ, ājag tŷ vĕnh kar mŷ nĕn ũ há han sór kŷ. ¹⁴Kejĕn ājag tóg hã ra vĕnh jykre há tŭgrĭn vĕsŷrĕnh ke mŭ, Topĕ vĭ tŭgrĭn. Kŷ mŷ sér jagy nŷtĭmnĭ. Ēprã ke ag kamĕg tŭg nĭ. Ag vĭ jĕmĕ sór tŭg nĭ, ag tŷ ājag tŷ ti tovãnh han sór mŭ ra. ¹⁵“Cristo vŷ tŷ inh pãli nĭ, kŷ sóg ti hã kamĕg nĭ,” hemnĭ. Tag hã mĭ ěkrĕn nĭ. Kejĕn ũ tóg ājag mŷ: “ne to ke nĕ, hã vŷ: Cristo ki rã, he mŭ?” he tĭ. Ēn mŷ kãmĕn kãn nĭ. ¹⁶Ũ tŷ ge mŷ komĕr hã vĭmnĭ. Topĕ vŷ vĕg nĭ nĭ, ājag tŷ ti mŷ nĕn tó mŭ ěn ti. Fe kavĕj nŷtĭ sór tŭg nĭ. Kŷ ājag tóg ũ tŷ Cristo jykre to vĭ kónãn sór mŭ ag vĭ tŷ tŭ! henh ke mŭ, ha vemnĭ. ¹⁷Kejĕn ājag tóg vĕnh jykre há to jagtar ke mŭ, Topĕ tŷ tag to jykrĕn kŷ. Hã ra tóg há nĭ. Ājag tŷ vĕnh jykre kórĕg to jagtar nŷtĭn kŷ tóg kórĕg nĭ.

¹⁸Cristo hã to jykrĕn nĭ, ha mĕ. Ter ja tóg nĭ, ěprã ke ag tŷ Topĕ mŷ nĕv(e) nŷtĭ tŭgrĭn. Ā ter pir ki tóg kajãm kãn. Jykre kuryj tóg nĭ, Jesus ti, hã ra tóg ũn jykre pãno ag jagfy ter ja nĭ. Ti tŷ Topĕ mŷ ěg taĭn tŭg sór vĕ. Ti tĕn ja ag tóg nĭ, hã ra Topĕ kuprĭg vŷ ti rĭn mãn. ¹⁹Topĕ kuprĭg vŷ ti tar han, kŷ tóg vĕnh kuprĭg ag jamã ra vyr gé, ag mŷ Topĕ vĭ sér tó jé, vĕnh kuprĭg sigse kŷ nŷtĭ ag mŷ. ²⁰Vãsŷ ag tóg ti vĭ mĕ sór ja tŭ nŷtĭ, vĕnh kuprĭg sigse kŷ nŷtĭ ěn ag. Noé tŷ ga kri tŭg kŷ, ti tŷ barco mág han mŭ ěn kã ke ja vĕ. Ēn kã Topĕ tóg ver ag to fe nĭ ja nĭ, kŷ tóg ag vóg kónãn jãvãnh ja nĭ ver. Noé tŷ barco han kãn ja ra tóg ag vóg kónãn mŭ sir, Topĕ ti.

Kỹ ù tỹ 8 (ke) ag tãvĩ vỹ krenkren mũ, barco ên kãki. Goj var kỹ barco tóg kri tĩ nĩ, kỹ tóg ag krenkren han, barco ti. ²¹Goj tỹ ãjag tóg kygpe kỹ nỹtĩ, ãjag krenkren jé. Barco tỹ goj kri tũg ri ken hã vê, hã vỹ: batismo, he mũ. ãjag mro pijé! Vênh jykre to ken hã vê. Topê tỹ êg tỹ êg fe kavéj tỹ jãnhkri han to ken hã vê. Êg tỹ Topê mỹ vênh fêg to ken hã vê, hã vỹ: batismo, he mũ. Topê vỹ Jesus Cristo rĩn mãn ja nĩ, hã kỹ tóg êg krenkren han ke mũ gé. ²²Kanhkã tá tóg nĩ nĩ, Jesus ti, kỹ tóg Topê pégja tá nĩ nĩ. Tá tóg tỹ ùn mág nĩ, Topê tỹ jêgnê jafã ag kri, ùn tar kar ag kri, êg tỹ kanhkã tá ùn vég tũ kar ên ag mré hã. Vênh kar kri ke vỹ tỹ ti nĩ, Jesus ti.

Vênh jykre tãg

4 ¹Ha vé, Cristo vỹ jagtar nĩ ja nĩ, vêsỹrénh kỹ. Kỹ tag to tar nỹtĩmnĩ gé, ãjag tỹ ti kóm jagtar nỹtĩn kỹ. Tag vỹ ki hã ke mũ, ha mẽ: ù tỹ êprã jagtar kỹ tóg Topê vĩ mranh tũ nĩgtĩ. ²Hã kỹ ùri Topê vĩ hã han sórmnĩ, ti vĩ tovãnh tũg nĩ, ãjag tỹ ga kri mũn kỹ. ãjag tỹ nén to én mũ ên han sór tũg nĩ. ³Vãsỹ ãjag tóg ù tỹ Topê ki kagtũg ag jykre han ja nĩgtĩ, prỹg tỹ hên ri ke ki, mỹr, ha mẽ. Ên kã ãjag tóg ãjag prũ tũ fag to én (ka)mê han ja nĩgtĩ, ãjag mén tũ ag to ke gé. ãjag tỹ nén to én mũ ên han ãjag tóg nĩgtĩ. Kronkron mũ ja ãjag tóg nĩgtĩ, krĩ tũ ja ãjag tóg nỹtĩgtĩ. Vênh mãn kỹ ãjag tóg kronkron kỹ kãgter mũ ja nỹtĩgtĩ gé, vênh kãggrã mỹ festa kórég ên han ja ãjag tóg nĩgtĩ gé. ⁴Ûri ãjag tóg tag han mãn sór tũ nỹtĩ ha, hã kỹ tóg ag mỹ e tĩ, ù tỹ vênh jykre kórég to tar nỹtĩ ag mỹ. Ag mỹ tóg e tĩ, ãjag tỹ ag mré ag jykre pãno han mãn sór tũ nỹtĩn kỹ, ãjag tỹ ag krĩ tũ jãvo krĩ há nỹtĩn kỹ. Hã kỹ ag tóg ãjag to vĩ kónãn tĩ, ùri. ⁵Hã ra Topê tóg ag jykre vég nĩ nĩ. Vênh kar jykre tugnỹm ti tĩ mỹr, kỹ tóg ag mỹ ag jykre to: “tag vỹ há nĩ, ên vỹ kórég nĩ,” henh ke mũ, ùn rĩr mũ ag jykre to, ùn kãgter mũ ag jykre to ke gé.

⁶Û tỹ hên ri ke ag tóg Jesus mur ke to hã kãgter ja nĩgtĩ. Ên ag mỹ tóg vênh vĩ sér tónh vyr gé, Cristo ti, vênh kuprĩg ag jamã ra, ag krenkren jé. Ag tỹ han ja to Topê tóg ag vóg kónãn, ag tỹ ãjag tỹ ga kri mũgtĩ kã vênh jykre han mũ ên to. Hã ra Topê tóg ag rĩnrĩn mãn sór ja nĩ gé, hã kỹ tóg ag kãgter mũ ra ag mỹ vênh vĩ jênêg mũ gé, ag tỹ kanhkã tá junjun jé.

⁷Kakó ti tĩ ha, ga tag tỹ tũg' henh ke kurã ti. Vêso jykrén nĩ, krĩ há han nĩ, ãjag tỹ Topê mré vêmén há han jé. ⁸Kỹ jagnê to há tãvĩ nỹtĩmnĩ. Tag to krónh ke tũg nĩ. Êg tỹ jagnê to há nỹtĩn kỹ êg tóg jagnê mỹ vênh pãte fón ke mũ, êg tỹ Topê vĩ mranh mũ ti, ti e nỹtĩ hã ra. ⁹Û tỹ kuvar há tá ãjag to pasa kỹ ti mỹ: “inh mré jê,” hemnĩ. Ti to vĩ tũg nĩ, ti to mỹ sér nỹtĩmnĩ. ¹⁰Kỹ, Topê vỹ êg tar han tĩ. Û tóg nén ù to tar nĩ, jãvo ù tóg nén ù ù to tar nĩgtĩ gé. Ên ki rĩrmnĩ, ãjag tỹ nén ù to tar nỹtĩ ên hã ki rĩrmnĩ, vênh kar tỹ ãjag tugrĩn tar nỹtĩ jé. Êg tỹ Topê tỹ nén to êg tar han mũ ên ki rĩr há han ke vê, tag vỹ Topê mỹ há nĩ. Êg tar pẽ han ti tĩ, Tope ti. ¹¹ãjag kãmĩ ù vêmén kỹ Topê vĩ hã tỹ vêmén nĩ. Û tóg Topê tũ ag ki rĩr tũgtĩ, kỹn jé Topê mỹ to vĩ, ti tỹ to ti tar han jé. ãjag tỹ ãjag rãnhrãj tag ki rĩr há han kỹ Jesus ki ge kỹ nỹtĩ kar ag vỹ Topê mỹ vĩ há han ke mũ. Jesus Cristo hã vỹ tỹ ùn mág nĩ, ti hã vỹ tar nĩ, kỹ tóg tũg' henh ke tũ pẽ nĩ. Amém.

Ag tỹ Jesus tugrĩn ěg vóg kónãn ke

¹²Inh kanhkã, ãjag to sóg há tãvĩ nĩ. Nén ũ jagy pẽ vэг ãjag tóg mũ. Ge ti nỹgtĩ, kỹ to jykrén tũg nĩ. Ěg kar vỹ tag vэг tĩ, Jesus tugrĩn. ¹³Mỹ sér nỹtĩmnĩ. Ājag jagtar kỹ ãjag tóg Cristo tỹ ěg jagfy jagtar mũ ěn ri ke vэг tĩ. Ājag tỹ ti ri ke jagtar kỹ ãjag tóg ti mré tỹ ũn mág nỹtĩnh ke mũ gé, ti tỹ tỹ ũn mág ninh ke kurã ěn kã. Ěn kã tóg ãjag mỹ sér gy tĩnh mũ, ha vemnĩ. ¹⁴Hỹ, tá tóg ãjag mỹ sér tãvĩ tĩnh mũ, ag tỹ ũri ãjag mỹ vĩ kónãn han mũ ra, ãjag tỹ Cristo ki rã kỹ nỹtĩ tugrĩn. Ag tỹ ãjag to vĩ kónãn tugrĩn ãjag tóg ki kanhró nỹtĩnh ke mũ, Topẽ kuprĩg tỹ tỹ ãjag jagrẽ nĩ ti. Ti kuprĩg vỹ ãjag tỹ ũn mág han ke mũ, Topẽ tỹ tỹ ũn mág nĩ ěn ri ke. ¹⁵Ū ag tóg ãjag tỹ ũ tén tugrĩn jagtar nỹtĩ, ãjag tỹ ũ tú pēju tugrĩn ke gé. Kỹ ũ ag tóg ãjag tỹ crime han tugrĩn jagãgtar nỹtĩ gé, ãjag tỹ vènh kar to vĩ tugrĩn ke gé. Ājag tỹ ag mré vènh jykre pãno tugrĩn jagtar kỹ tóg Topẽ mỹ há tú nĩ. Ājag tỹ ti vĩ mranh ke tú vè vè. ¹⁶Ājag tỹ hã ra Cristo tugrĩn jagtar kỹ tóg ti mỹ há tĩ. Tag to mỹ'ãg tũg nĩ. Tag to Topẽ mỹ vĩ há han nĩ, ãjag tỹ tỹ Cristo mré ke nỹtĩn kỹ.

¹⁷Topẽ vỹ vènh kar jykre tugnỹm kãn ke mũ, kurã kakó ki. Hã ra tóg ũ tỹ ti ki ge kỹ nỹtĩ ag jykre tugnỹm vén ke mũ. Ti tỹ ěg jykre tugnỹm kỹ ěg tóg nén ũ jagy ve kren ke mũ. Kỹ ũ tỹ ti ki ge tú ag vỹ nén ũ jagy pẽ ěn ve kãn ke mũ, ha vemnĩ, ũ tỹ ti vĩ kato tẽ mũ ag. ¹⁸Hã kỹ tag tóg rán kỹ nĩ, ha mẽ: “ũ tỹ Topẽ vĩ há han sór mũ ag vỹ ter kren ke mũ. Kỹ ũ tỹ ti vĩ mranh tĩ ag vỹ kren ke tú pẽ nĩ, ũ tỹ ti kato tẽ mũ ag,” he ja tóg nĩ, Topẽ vĩ tỹ rán kỹ nĩ ki. ¹⁹Topẽ tỹ ěg to: “tag vỹ ti jagy venh ke mũ,” hen kỹ ěg tóg venh ke mũ. Kỹ, ěg jagtar mũ ra ěg vènh jykre há hã han kỹ nỹtĩnh ke mũ. Ū tỹ ěg han mũ ěn to jykrén jé ěg tóg ke mũ, Topẽ to. Ti pi(jé) ěg tovãnh ke mũ! Ěg mré tóg nĩ nĩ.

Pedro tỹ ěg jyvẽn

5 ¹Vãhã sóg ũ tỹ Jesus ki ge kỹ nỹtĩ ag to pã'i ag jyvẽn sór mũ, ha mẽ. Ājag ri ke inh nĩ, isỹ tỹ ãjag kóm ũ tỹ Jesus ki ge kỹ nỹtĩ ag to pã'i jèn kỹ. Cristo jagtar ve ja inh nĩ gé hã ra. Ti vènh ven mãn ke kurã ěn kã sóg tỹ ũn mág jènh ke mũ gé. ²Kỹ sóg ãjag mỹ tag tó sór mũ, ha mẽ. Ājag krêm ke ag ki rĩr há han nĩ. Ū tỹ carneiro ki rĩr tĩ ěn tỹ ã mæg ki rĩr há han tĩ ěn ri ke han nĩ. Topẽ tỹ ãjag mỹ vènh rãnrãj nĩm jan hã vè. Ājag rãnrãj tỹ ãjag mỹ sér tĩn kỹ tóg há tĩ. Ājag tỹ ãjag rãnrãj han sór tú nĩn kỹ tóg ũ tĩ. Kỹ ãjag ganho mĩ ěkrén sór tũg nĩ gé. Topẽ tú vè, ãjag rãnrãj ti, hã kỹ ki rĩr há han sórnmnĩ. ³Kỹ ãjag krêm ke ag ki rĩrnmnĩ, ag mỹ komẽr hã vĩmnĩ. Ag rĩnve vènh jykre há hã han kỹ nỹtĩmnĩ, ag tỹ ãjag jykre há ve kỹ ãjag kóm han sór jé. ⁴Kãnhmar ti kãtig mãn ke mũ, ěg pã'i mág ti, ěg ki rĩr tĩ ti. Kỹ tóg ãjag tỹ ũn mág han ke mũ. Ājag mỹ tóg krĩ tógfĩ ri ke vin ke mũ, ãjag tỹ tỹ ũn mág nỹtĩn kỹ, hã ra tóg kórég vãnh nĩ, ěg krĩ tógfĩ ěn ti.

⁵Kỹ sóg kyrũ ag jyvẽn sór mũ. Ājag mỹ sóg: “ũn sanh tỹ ãjag mỹ nén ũ tó mũ ěn han nĩ,” he sór mũ.

Kỹ sóg vènh kar jyvẽn sór mũ gé. Vènh kar mỹ sóg: “jagnẽ to é he tũg nĩ,” he mũ. “Jagnẽ ki rĩr há han nĩ, jagnẽ mỹ nén ũ há kar han nĩ,” he sóg mũ.

Tag vỹ rán kỹ nĩ, Topẽ vĩ rá ki, ha mẽ. “Topẽ vỹ ù tỹ jagnẽ to é he mũ ag kato tẽ tí. Hã ra tóg ù tỹ: “ùn sĩ vỹ tỹ inh nĩ,” he mũ ẽn to há nĩ,” he tóg, Topẽ vĩ rá ki. Hã kỹ vễ sỹ ùn mág han sór tũg nĩ. ⁶Topẽ vỹ tar nĩ, kỹ tóg kejẽn ẽg mỹ nén ù jagy jẽnẽg tí. Ti kato tẽ tũg nĩ hã ra, ti tovãnh sór tũg nĩ gé. Kỹ tóg ă kurã ki ăjag tỹ ùn mág han mãn ke mũ, ha vemnĩ. ⁷Ăjag krĩ kufy nĩn kỹ ti hã mỹ tómnĩ, kỹ tóg ăjag mỹ ăjag krĩ kuprãg ke mũ. Ti hã vỹ ẽg ki rĩr nĩgtĩ.

⁸Vẽnĩ ki rĩrmnĩ. Nũr ri ke han tũg nĩ. Ha vé, ẽg kato vãsãn tí ẽn, Japo ẽn tóg ẽg to vãjig tũgtĩ. Mĩg kókĩr ri ke ti nĩ, ti tỹ ẽg mãn sór kỹ. ⁹Hã kỹ ti kato vãsãnsãn nĩ, Jesus Cristo ki rã tovãnh tũg nĩ gé, ù tỹ ăjag tỹ ti tovãnh han sór mũ ra. Ha vé, ẽg kanhkã kar ag vỹ jagtar tí, ăjag kóm, ga kri ke kar ag. Ag mĩ ẽkrén kỹ tar nỹtĩmĩ. ¹⁰Kurã pipir ki ăjag tóg jagtar tí. Kar kỹ Topẽ vỹ ăjag tỹ ùn há tãvĩ han ke mũ, ăjag tỹ kygnẽ mãn tũg jé. Ti hã vỹ ẽg tar han tí, ẽg tỹ ti to krónh ke tũ nĩ jé. Ti hã vỹ ăjag tỹ ùn há han ke mũ gé, kỹ ăjag tóg ti tovãnh ke tũ pẽ nĩ. Ẽg to há pẽ ti nĩ, Topẽ tí. Ẽg kuprẽg tóg mỹr, ẽg tỹ Cristo tugrĩn kanhkã ve jé, ẽmã sĩnvĩ pẽ ẽn ti, ù tũg vãnh ẽn ti. ¹¹Topẽ hã vỹ ă pir mỹ tar nĩ!. Ti hã vỹ tũ! henh ke tũ nĩ!. Amém.

Pedro tỹ ag mĩ ẽkrén

¹²Tó sĩ han sóg ăjag mỹ, kỹ Silas tóg inh mỹ ăjag mỹ rán mũ, inh vĩ ti. Ẽg kanhkã vỹ tỹ ti nĩ, Silas tí, Jesus tovãnh jãvãnh ti nĩgtĩ, kỹ tóg iso há nĩ gé. Isỹ ăjag tar han sór vễ, hã kỹ sóg ăjag mỹ inh vĩ jẽnẽg mũ. Sỹ ăjag mỹ: “Topẽ vỹ ẽg tar han ke mũ mỹr,” he mũ gé. Ti to krónh ke tũg nĩ. ¹³Cidade tỹ Babilônia tá ẽg nỹtĩ, kỹ tag ki ù tỹ ăjag mré Jesus ki ge kỹ nỹtĩ ag vỹ ăjag mĩ ẽkrég tí. Ăjag mré tóg ẽg kuprẽg, Topẽ tí. Kỹ inh kósin tỹ Marcos vỹ ăjag mĩ ẽkrég tí gé. ¹⁴Jagnẽ ki nhun ke ri ke han nĩ, jagnẽ nĩgẽ kãgmĩ kỹ, ăjag tỹ tỹ jagnẽ mré ke nỹtĩn kỹ.

Cristo mré ke vỹ tỹ ăjag nỹtĩ. Topẽ jé ăjag krĩ tỹ kãnhvy! hé. Hã vễ.